

**Sud Bosne i Hercegovine**
Суд Босне и Херцеговине

Broj: S1 3 Iž 044144 22 Iž
Sarajevo, 19.10.2022. godine

Sud Bosne i Hercegovine u Sarajevu, u apelacionom vijeću sastavljenom od sudija Zvezdane Antonović, predsjednika vijeća, Mirsade Džindo i Redžiba Begića, članova vijeća, odlučujući o žalbi političke stranke Savez nezavisnih socijaldemokrata-SNSD Milorad Dodik, sa sjedištem u Banja Luci, ul. Kralja Petra II Karađorđevića br. 15, koju zastupa generalni sekretar Luka Petrović, izjavljenoj protiv odluke Centralne izborne komisije Bosne i Hercegovine broj: 05-1-07-5-4090/22 od 11.10.2022. godine, o utvrđenoj odogovrnosti i novčanom kažnjavanju za kršenje odredbi Izbornog zakona BiH, na nejavnoj sjednici održanoj dan, 19.10.2022. godine, donio je

R J E Š E N J E

Žalba se odbija.

O b r a z l o ž e n j e

Odlukom Centralne izborne komisije Bosne i Hercegovine broj i datum navedeni u uvodu, odbijen je kao neosnovan prigovor političke stranke Savez nezavisnih socijaldemokrata-SNSD Milorad Dodik od 27.09.2022.godine protiv Draška Stanivukovića kandidata ispred političke stranke Partija demokratskog progressa-PDP.

Protiv ove odluke politička stranka Savez nezavisnih socijaldemokrata-SNSD Milorad Dodik je izjavila žalbu zbog pogrešno i nepotpuno utvrđenog činjeničnog stanja, te pogrešne primjene materijalnog i procesnog prava. Navodi, da je pobijana Odluka postupanje potpuno suprotno postupanju Centralne izborne komisije BiH u predmetu Odluke broj: 05-1-07-5-4445/22 od 11.10.2022. godine. Nadalje, navodi da je u konkretnom predmetu posebno sporno što se organ odlučivanja uopšte ne upušta u ocjenu dostavljenih dokaza i činjeničnog stanja. Ističu, da iz istih proizilazi da je Draško Stanivuković, Gradonačelnik Banja Luke, kao neposredno izabrano lice, na svom profilu vršio zloupotrebu javnih sredstava i resursa u smislu odredbe člana 1.1a stav (21) Izbornog zakona BiH, jer se spornom objavom predstavljao kao kandidat političke stranke PDP-a, naveo da se radi o 23. rođendanu političke partije PDP, te da je u spornoj objavi projekte realizovane od strane jedinice lokalne samouprave odnosno Gradske uprave Banja Luka koji predstavljaju resurse-nepokretnu imovinu i sredstva jedinice lokalne samouprave predstavljao kao učinak i projekat političke partije PDP i nejga kao kandidata. Nadalje, navode da se natpisom ..idemo snažno

do pobjede" jasno pozivaju birači da daju podršku pomenutom političkom kandidatu i stranci PDP. Ističu, daje došlo do kršenja odredbe člana 7.2a stav (1), a u vezi sa odredbom člana 1.1a stav (21) Izbornog zakona BiH. Navode, da činjenica da je Draško Stanivuković spornu objavu podijelio na privatnom profilu ne umanjuje povredu citiranih odredbi Izbornog zakona, jer imenovani navedeni društveni profil koristi kako u cilju političke kandidature i partijskog subjekta ispred kojeg je kandidat, tako i u cilju promocije njega kao Gradonačelnika Banja Luke.

U odgovoru na žalbu, Centralna izborna komisija Bosne i Hercegovine predložila je da Sud predmetnu žalbu odbije kao neosnovanu, jer je pobijana odluka donesena na pravilan i potpun način, u skladu sa odredbama Izbornog zakona BiH.

Žalba je neosnovana.

Iz stanja u spisu proizilazi da je Centralna izborna komisija Bosne i Hercegovine je dana 27.09.2022. godine zaprimila prigovor sa dokazima podnesen od strane političke stranke Savez nezavisnih socijaldemokrata-SNSD-Milorad Dodik koji se odnosi na kršenje odredbe člana 7.2a stav (2) Izbornog zakona Bosne i Hercegovine.

U prigovoru se navodi da je povreda učinjena od strane Draška Stanivukovića, predsjednika Gradskog odbora PDF Banja Luka, kandidata i nosioca liste za narodnog poslanika u Narodnoj skupštini Republike Srpske na Općim izborima 2022. godine ispred političkog subjekta Partija demokratskog progresa-PDP. Navodi se da je imenovani na društvenoj mreži „Facebook“ na stranici „Draško Stanivuković-Draško Stanivuković“ i Instagram stranici draskostanivukovic dana 27.09.2022. godine objavio fotografije sa proslave 23. rođendana PDP-a. U tekstu iznad slika je navedeno da su dodijelili 107 subvencija za samozapošljavanje, završili asfaltiranje Ulice Drugog krajiškog korpusa u Motikama, započeli izgradnju vodovodne mreže u ulicama Martinovac i Dalmatinska u Šargovcu, te da u tekstu poziva birače na glasanje- „idemo snažno do pobjede“. Nadalje se navodi da je očigledno da je kandidat Draško Stanivuković aktivnosti koje obavlja kao gradonačelnik Banja Luke poistovjetio sa kandidatskim tj. političkim aktivnostima i na taj način učinio povredu člana 7.2a Izbornog zakona BiH, koja se odnosi na zloupotrebu javnih sredstava. Navode, da realizovane projekte grada Banja Luka imenovani koristi za svoju ličnu promociju-promociju sebe kao kandidata, kao i promociju stranke ispred koje je kandidovan. Ističu, da je vidljivo da se imenovani na događaju pojavio kao član, kandidat i aktivista ispred PDP-a, a ne kao gradonačelnik Banja Luke.

Postupajući po navedenom prigovoru, Centralna izborna komisija Bosne i Hercegovine je nakon prijema, u skladu sa zakonskom procedurom, aktom broj: 05-1-07-5-4090/22 od 29.09.2022. godine prigovor dostavila političkoj stranci Partija demokratskog progresa-PDP na izjašnjenje u roku od 24 h od prijema obavijesti, te da se posebno izjasni kandidat i nosilac izvršne funkcije Draško Stanivuković.

Po naprijed navedenom pozivu, politička stranka Partija demokratskog progresa-PDP i njen kandidat Draško Stanivuković nisu dostavili traženo izjašnjenje.

Uvidom u kompletan spis i raspoložive dokaze, kao i tekst objava na društvenoj mreži Facebook i Instagram, Centralna izborna komisija Bosne i Hercegovine je utvrdila da se u konkretnom slučaju radi o promovisanju kandidata Draška Stanivukovića za

vrijeme izborne kampanje, ali na privatnom Instagram profilu draskostanivukovic i Facebook profilu Драшко Станивуковић - Draško Stanivuković, iz kojih razloga Centralna izborna komisija Bosne i Hercegovine nije utvrdila da je došlo do kršenja odredbe člana 7.2a Izbornog zakona BiH, odnosno Centralna izborna komisija BiH nije ocijenila da je nosilac izvršne funkcije Draško Stanivuković i kandidat na Općim izborima 2022. godine vršio izbornu kampanju na način daje zloupotrebio neko javno sredstvo ili resurs, u smislu odredbe člana 1.1a stav (21) Izbornog zakona Bosne i Hercegovine, koje utvrđenje i ovo vijeće smatra pravilnim i na Zakonu zasnovanim, jer su za isto, suprotno navodima žalbe dati potpuni i pravilni razlozi i to nakon ocjene dostavljenih dokaza na osnovu kojih je i pravilno utvrđeno činjenično stanje.

Neosnovani su žalbeni navodi kojima se ukazuje da pobijana odluka predstavlja postupanje potpuno suprotno postupanju Centralne izborne komisije BiH u predmetu Odluke broj: 05-1-07-5-4445/22 od 11.10.2022. godine", jer se radi o potpuno različitim predmetima.

Uvidom u navedeni spis utvrđeno je da je navedenom odlukom CIK BiH utvrdila da je politički subjekt Savez nezavisnih socijaldemokrata-SNSD-Milorad Dodik odgovoran što je Dražen Vrhovac, v.d. direktora Investicione-razvojne banke Republike Srpske i kandidat za Narodnu skupštinu Republike Srpske Izborna jedinica 1 zloupotrijebio javni resurs i sredstvo za vlastitu upotrebu i promociju političkog subjekta kojem pripada na način da je kao v.d direktor i kandidat na Općim izborima 2022. godine vodio izbornu kampanju na društvenoj mreži Twitter objavivši fotografiju snimljenu ispred zvaničnog loga Investicione razvoje banke Republike Srpske te u opisu objave između ostalog naveo hashtag zvanični slogan Saveza nezavisnih socijaldemokrata #JervolimoSrpsku i #SNSD, čime je prekršio odredbu člana 7.2a tačka b) Izbornog zakona BiH.

U tom konkretnom slučaju, utvrđeno je da Dražen Vrhovac, kandidat političkog subjekta Savez nezavisnih socijaldemokrata-SNSD-Milorad Dodik svoju fotografiju objavio na privatnom profilu, ali na fotografiji iza Dražena Vrbovca vidljiv je zvanični logo Investiciono razvojne banke Republike Srpske, a da je u opisu objave naveden hashtag zvaničnog slogana političke stranke kojoj pripada, iz kojih razloga je Centralna izborna komisija Bosne i Hercegovine utvrdila da je kandidat Dražen Vrhovac nositelj mandata v.d. direktora Investiciono razvojne banke Republike Srpske zloupotrijebio javni resurs i sredstvo za promociju sebe kao kandidata i promociju političkog subjekta kojem pripada, dok u predmetu eventualanog kršenja Izbornog zakona BiH od strane Draška Stanivukovića je utvrđeno da je imenovani na privatnom profilu, u vrijeme izborne kampanje, sa proslave 23. rođendana PDP-a, objavio fotografije Draška Stanivukovića iza kojeg se na fotografijama u pozadini vidi logo političke stranke kojoj pripada, a ne neko obilježje Grada Banja Luka jer se na navedenom događaju pojavio kao član te stranke i kandidat, a ne kao akteulni gradonačelnik Grada Banja Luka, iz kojih razloga je Centralna izborna komisija Bosne i Hercegovine je pravilno ocijenila da Draško Stanivuković nije vodio izbornu kampanju na način da je zloupotrijebio neko javno sredstvo ili resurs.

Žalitelj pogrešno smatra da „činjenica da je Draška Stanivuković spornu objavu podijelio na privatnom profilu ne umanjuje povredu citiranih odredbi Izbornog zakona jer imenovani navedeni društveni profil koristi kako u cilju političke kandidature i

partijskog subjekta ispred kojeg je kandidat" iz razloga što odredba člana 7.2a propisuje zabranu zloupotrebe javnih sredstava i resursa od strane nosioca izvršne funkcije i nosioci mandata na način kako je to propisano u stavu (2) ove odredbe, a u konkretnom slučaju Centralna izborna komisija BiH je utvrdila da je Draško Stanivuković spornu objavu objavio na privatnom profilu društvene mreže Facebook i Instagram profilu, u cilju svoje promocije kao kandidata na Općim izborima 2022. godine i političke stranke kojoj pripada u vrijeme izborne kampanje. Iz dostavljenog screenshota slike ne proizilazi da je promociju sebe kao kandidata i političke partije PDP vršio na zvaničnoj stranici Grada Banja Luka, kao niti da je na fotografiji u pozadini vidljiv logo ili neko drugo obilježje Grada Banja Luke, već naprotiv na fotografiji sporne objave vidljiv je logo političke stranke kojoj pripada, kao i promocija ovog kandidata na proslavi 23. rođendana, političke stranke kojoj pripada, iz kojih razloga je Centralna izborna komisija pravilno utvrdila da Draško Stanivuković kao nosilac izvršne funkcije i kandidat na Općim izborima 2022. godine ispred PDP-a nije zloupotrijebio neko javno sredstvo ili resurs u smislu odredbe čl. 1.1a stav (21) Izbornog zakona BiH. Riječ je o objavama kandidata Draška Stanivukovića na privatnim profilima društvenih mreža i promociji njega kao kandidata i političke stranke kojoj pripada, a sve u periodu trajanja izborne kampanje.

Obzirom na navedeno, po ocjeni ovog vijeća, pobijana Odluka Centralne izborne komisije BiH je pravilna i zakonita, a žalba neosnovana, pa je istu, primjenom odredaba člana 81. stav 1. Zakona o upravnim sporovima Bosne i Hercegovine (Službeni glasnik BiH, broj 19/02, 88/07, 83/08 i 74/10), valjalo odbiti.

PREDSJEDNIK VIJEĆA
S U D I J A

Zvezdana Antonović